

乾隆大藏經



御製

佛光恩照 三千大千 隨緣徧滿
恒沙法界 普度衆生 悉證菩提
身心安泰 年時豐稔 風雨調順
日月升恒 乾坤清寧 百昌蕃熾
上下樂利 中外協和 庶物咸亨
萬善圓成 情與無情 同登正覺
大清雍正十三年四月初八日

大清三藏聖教目錄

大乘經
般若部 (一)

第 1 冊

御製重刊藏經序	雍正十三年二月初一	二
貞觀三藏聖教序	唐太宗文皇帝製	四
永徽三藏聖教序	唐高宗皇帝在春宮日製	六
正統大藏經序	大明正統五年十一月十一日	八
萬曆御製新刊續入藏經序	大明萬曆五年四月	一〇
萬曆印施佛藏經序		一二
聖母印施佛藏經讚有序	申時行等奉 撰	一四
大般若經初會序	西明寺沙門玄則製	一七
大清三藏聖教目錄四卷		一八
大清重刻龍藏彙記		一〇一

Q602/001

一、一 大般若波羅蜜多經六百卷（一至三〇）

唐三藏法師・玄奘 詔譯

（天一——天十、地一——地十、玄一——玄十）

卷一（天一）	一六四	卷二（天二）	一七八
卷三（天三）	一九五	卷四（天四）	二一一
卷五（天五）	二二八	卷六（天六）	二四四
卷七（天七）	二六一	卷八（天八）	二七七
卷九（天九）	二九三	卷一〇（天十）	三一〇
卷一一（地一）	三二六	卷一二（地二）	三四三
卷一三（地三）	三六〇	卷一四（地四）	三七七
卷一五（地五）	三九四	卷一六（地六）	四一一
卷一七（地七）	四二七	卷一八（地八）	四四二
卷一九（地九）	四六〇	卷二〇（地十）	四七七
卷二一（玄一）	四九五	卷二二（玄二）	五一三
卷二三（玄三）	五三一	卷二四（玄四）	五四六
卷二五（玄五）	五六二	卷二六（玄六）	五七八
卷二七（玄七）	五九四	卷二八（玄八）	六一〇
卷二九（玄九）	六二七	卷三〇（玄十）	六四四



清刻龍藏佛說法變相圖

御製重刊藏經序

粵自西漢伊存口授佛陀經典於大月氏王使者而震旦教始萌芽其後攝摩騰竺法蘭隨漢明帝求經使臣蔡愔等至洛陽而四十二章等經乃緘於蘭臺石室魏晉而降大德

御製序

迭興翻譯通明中西不隔達摩西來演暢宗風不立文字之的旨既昭而文字於以掀天揭地至隋大業間智果於東都內道場撰諸經目分別條貫以佛所說經為三部一曰大乘二曰小乘三曰雜經其餘似後人假托者別為一部謂之疑經又有菩薩及諸深解與義贊明勝諦者曰論及戒律並有大小及中三部之別而佛經已多於六經數十百倍矣唐奘法師出能博涉經論謂譯者多所訛謬乃躬往西域廣求異本以參驗之周流三竺

2177/001

十有七年唐太宗詔將所得梵本六百五十
七部與房喬等集諸碩學沙門翻譯定為經
律論三藏自唐宋以迄本朝雖代有增益而
其宏規大畧則無改於唐之舊也明永樂間
刊板京師是為梵本北藏又有民間私刊書
本板在浙江嘉興府謂之南藏朕勅幾之暇
游泳梵林濃薰般若因閱華嚴知卷帙字句
之間已失其舊爰命義學詳悉推究訛舛益
出乃知北藏板本刻於明代者未經精校不
足據依夫以帝王之力泐成官本猶乃如是
則民間南藏益可知已爰集宗教兼通之沙
門在京師賢良寺官給伊蒲曉夜校閱鳩工
重刊欲俾震旦所有三藏不至簡錯字謠疑
人耳目又歷代名僧所著義疏及機緣語錄
各就其時所崇信者陸續入藏未經明眼辨

別淄澠今亦不無刪汰俾歸嚴淨夫無邊契
經海皆以一音演出豎窮三際橫亘十方
且立一是名不可得而何況於非然既涉音
聲文字則如來固善能分別諸相也雖一字
一句皆有正謬不可以混猶夫中乘小乘皆
以大乘為之綱骨四十九年所說無非大乘
智果簡出小乘別安名字未為得也而在小
乘中則一語一默一進一止皆有佛勅又奚
可以悖歟然則斯刻也別異歸同簡訛從正
未必無小補云爾是為序

御製序

二

雍正十三年二月初一日

貞觀三藏聖教序

唐太宗文皇帝製

蓋聞二儀有像顯覆載以含生四時無形潛
寒暑以化物是以窺天鑑地庸愚皆識其端
明陰洞陽賢哲罕窮其數然而天地包乎陰

序

陽而易識者以其有像也陰陽處乎天地而
難窮者以其無形也故知像顯可徵雖愚不
惑形潛莫覩在智猶迷況乎佛道崇虛乘幽
控寂弘濟萬品典御十方舉威靈而無上抑
神力而無下大之則彌於宇宙細之則攝於
毫釐無滅無生歷千劫而不古若隱若顯運
百福而長今妙道凝玄遵之莫知其際法流
湛寂挹之莫測其源故知蠢蠢凡愚區區庸
鄙投其旨趣能無疑惑者哉然則大教之興
基乎西土騰漢庭而皎夢照東域而流慈昔

者分形分跡之時言未馳而成化當常現常
之世民仰德而知遵及乎晦影歸真遷儀越
世金容掩色不鏡三千之光麗象開圖空端
四八之相於是微言廣被拯含類於三塗遺
訓遐宣導羣生於十地然而真教難仰莫能
一其旨歸曲學易遵邪正於焉紛紜所以空
有之論或習俗而是非大小之乘乍沿時而
隆替有玄奘法師者法門之領袖也幼懷貞
敏早悟三空之心長契神情先苞四忍之行
松風水月未足比其清華仙露明珠詎能方
其朗潤故以智通無累神測未形超六塵而
迴出隻千古而無對凝心內境悲正法之陵
遲栖慮玄門慨深文之訛謬思欲分條析理
廣彼前聞截偽續真開茲後學是以翹心淨
土往遊西域乘危遠邁杖策孤征積雪晨飛

途間失地驚砂夕起空外迷天萬里山川撥
煙霞而進影百重寒暑躡霜雨而前蹤誠重
勞輕求深願達周遊西宇十有七年窮歷道
邦詢求正教雙林八水味道餐風庶苑驚峰
瞻奇仰異承至言於先聖受真教於上賢探

序

四

蹟妙門精窮奧業一乘五律之道馳驟於心
田八藏三篋之文波濤於口海爰自所歷之
國總將三藏要文凡六百五十七部譯布中
夏宣揚勝業引慈雲於西極注法雨於東垂
聖教缺而復全蒼生罪而還福濕火宅之乾
焰共拔迷途朗愛水之昏波同臻彼岸是知
惡因業墜善以緣昇昇墜之端惟人所託譬
夫桂生高嶺零露方得滋其花蓮出淥波飛
塵不能汙其葉非蓮性自潔而桂質本貞良
雨所附者高則微物不能累所憑者淨則濁

類不能沾夫以卉木無知猶資善而成善況
乎人倫有識不緣慶而求慶方冀茲經流施
將日月而無窮斯福遐敷與乾坤而永大

永徽三藏聖教記

唐高宗皇帝在春宮日製

夫顯揚正教非智無以廣其文崇闡微言非
賢莫能定其旨蓋真如聖教者諸法之玄宗
衆經之軌躅也綜括宏遠奧旨遐深極空有
之精微體生滅之機要詞茂道曠尋之者不
究其源文顯義幽履之者莫測其際故知聖
慈所被業無善而不臻妙化所敷緣無惡而
不翦開法網之綱紀弘六度之正教拯羣有
之塗炭啓三藏之祕局是以名無翼而長飛
道無根而永固道名流慶歷遂古而鎮常赴
感應身經塵劫而不朽晨鍾夕梵交二音於
鷲峰慧日法流轉雙輪於鹿苑排空寶蓋接
翔雲而共飛莊野春林與天花而合彩伏惟
皇帝陛下上玄資福垂拱而治八荒德被黔

黎歛衽而朝萬國恩加朽骨石室歸貝葉之
文澤及昆蟲金匱流梵說之偈遂使阿耨達
水通神甸之八川耆闍崛山接嵩華之翠嶺
竊以法性凝寂靡歸心而不通智地玄奧咸
懇誠而遂顯豈謂重昏之夜燭慧炬之光火
宅之朝降法雨之澤於是百川異流同會於
海萬區分義總成乎實豈與湯武校其優劣
堯舜比其聖德者哉玄奘法師者夙懷聰令
立志夷簡神清齟齬之年體拔浮華之世凝
情定室匿迹幽巖栖息三禪巡遊十地超六
塵之境獨步迦維會一乘之旨隨機化物以
中華之無質尋印度之真文遠涉恒河終期
滿字頻登雪嶺更獲半珠問道往還十有七
載備通釋典利物爲心以貞觀十九年二月
六日奉勅於弘福寺翻譯聖教要文凡六百

五十七部引大海之法流洗塵勞而不竭傳
智燈之長焰皎幽闇而恒明自非久植勝緣
何以顯揚斯旨所謂法相常住齊三光之明
我皇福臻同二儀之固伏見御製衆經論序
照古騰今理序含金石之聲文抱風雲之潤治
輒以輕塵足岳墜露添流略舉大綱以爲斯
記

正統御製大藏經序

洪惟

如來之道廣大包天地光明超日月泝萬億劫之前不見其始推萬億劫之後莫測其終清淨為宗慈憫為用濟利為德化導為教無幽而不燭無微而不入無叩而弗應無感而弗通蓋化洽庶彙福溥一切故自其教入中國以來歷二千年凡具樂善之心高明之智者不間上下貴賤皆至誠篤敬歸向

慈尊洪惟我

皇曾祖太宗體天弘道高明廣運聖武神功純仁至孝文皇帝德金仁聖道法乾坤同上帝之好生同

大覺之溥濟禮教邁於百王惠澤周乎八表

序

七

泰和充溢寰宇皆春惟

大孝之誠孳孳夙夜孔懷劬勞報本之道

圖薦

考妣在天之福於是博采竺乾之祕典海藏之真詮浩浩乎穰穰乎繕書刊梓用廣

傳施功垂就緒

龍御陟遐洪慶所貽傳序暨朕恭嗣大寶

經理萬邦追惟

聖孝之隆敢忘繼述之務大藏諸經六百三十六函通六千三百六十一卷咸畢

刊印式遂流布妙法玄文備祇園之授

受要旨精義皎慧日之昭明字字真如

語語實際允成

皇曾祖之聖志允弘

皇高祖之寶福善功斯盛嘉慶可知

九廟神遊叅

佛金蓮之座萬品亨遇承

佛玉臺之光家邦永底於清寧華夷均安於
熙皞三界十方咸臻淨域九幽六道並
際開明種種吉祥不可思議是用敬序

首簡檮紀成績云

大明正統五年十一月十一日

萬曆御製新刊續入藏經序

續入藏經四十一函起華嚴懸談會玄記至

第一希有大功德經計四百一十卷此我聖母慈聖宣文明肅皇太后所命刻也朕惟

釋教東流經典述譯函卷繁富極矣我

聖母躬體聖善坐撫昇平密契心秉力修聖果因復假筏迷津施航覺海續增茲典聿廣義宗德意甚盛載惟經世出世厥用夔殊然其立教以明心見性爲宗以

慈悲喜捨爲用以嗔愛娼殺爲戒以戒定禪寂爲門大都使人破塵妄之迷以印妙圓之體惕罪報之由以修慈善之根悟未來之因以滅現在之業此其覺人濟物勝殘去殺之功於吾聖治不爲

慈悲喜捨爲用以嗔愛娼殺爲戒以戒

定禪寂爲門大都使人破塵妄之迷以

印妙圓之體惕罪報之由以修慈善之

根悟未來之因以滅現在之業此其覺

人濟物勝殘去殺之功於吾聖治不爲

無助故經謂莊嚴施捨周於沙界不若

一經一偈流布之功然則

聖母慈命真可謂續慧燄於昏衢普慈雲於

陰界延佑

宗社種福人天不可思議者矣若乃梁魏隋

唐之主傾國貲以崇像飾瘠齊民以奉

緇流殊戾釋氏本旨朕所不取亦非我

聖母流布是經之意是爲序

大明萬曆五年四月

萬曆御製

聖母印施佛藏經序

朕聞儒術之外釋氏有作以虛無爲宗旨以濟度爲妙用其真詮密微其法派閱演貞觀而後代譯歲增魚總羣言苞

裹八極貝葉有所不盡龍藏有所難窮惟茲藏經繕始于永樂庚子梓成于正統庚申由大衆般若以下計六百三十七函我

聖母慈聖宣文明肅皇太后又益以華嚴懸

談以下四十一函而釋典大備夫一心生萬法萬法歸一心諸佛心印人人具足勸善覺迷諸苦解脫一覺一善皆資勝因是以聞其風者億兆爲之翕習慕其教者賢愚靡不歸依則知刑賞所及

權衡制之刑賞所不及善法牖之益生成之表別有陶冶矣先師素王亦云聖人神道以設教善世而博化諦觀象教詎不信然恭惟

聖母濬發弘願普濟羣倫遂托忠誠誘善勤

侍傳宣廣修衆因乃印禪經布施淨土兼立梵宇齋施僧倫成修寶塔立豎於虛空繪塑金容散捨於大地濟貧拔苦召赦孤幽無善不作無德不備證三身於此世今生明四智於六通心地普惠

序

十

雲興普賢瓶瀉大垂玄澤甘露霑灑于三千徧覆慈雲法雨滋培于百億無微無鉅咸受益而蒙榮有性有生盡淪而飲惠俾福利之田與人同樂仁壽之域舉世咸登如是功德詎可思議且如

來果報從無量功德生一切善言之讚
歎一切善氣之導凝我

聖母延齡如天永永我國家保泰降福穰穰
矣於乎盛哉大覺之教宜其超九流而
處尊偕三五以傳遠也